**XUNTA XERAL ORDINARIA 2ª/2024**

Acta da sesión que tivo lugar o día vinte e tres de decembro de dous mil vinte e catro.

En Santiago de Compostela, ás 12.00 h, reúnese a Xunta Xeral do Ilustre Colexio da Avogacía de Santiago de Compostela, baixo a presidencia do seu decano, D. Francisco J. Rabuñal Mosquera, e na que participan os seus membros, D^a María del Carmen González Ferro, D^a Patricia López Arnoso, D. Manuel F. Martín García, D. Ramón Quintela Miramontes, D^a Margarita Ruiz Núñez e D^a María Jesús Vieito Mayo. Tamén asisten un total de 29 colexiados e colexiadas, todos/as exercentes.

ORDE DO DÍA

- 1. Lectura e aprobación, se procede, da acta da última xunta xeral**
- 2. Exame e votación do orzamento para o exercicio 2024**
- 3. Proposta de creación do Fondo-Obra Social do ICA Santiago**
- 4. Rogos e preguntas**

1. LECTURA E APROBACIÓN, SE PROCEDE, DA ACTA ANTERIOR

O secretario procede á lectura da acta da sesión anterior.

Unha vez sometida a votación, é aprobada por unanimidade.

2. EXAME E VOTACIÓN DO ORZAMENTO PARA O EXERCICIO 2025

O decano cédelle a palabra ao secretario técnico do Colexio da Avogacía de Santiago de Compostela, don Manuel Arza Galán, para expoñer o orzamento 2025 elaborado pola Xunta de Goberno. O Sr. Arza Galán le o texto do orzamento, que se reproduce a seguir:

MEMORIA

1. Introducción

O Estatuto do Ilustre Colexio da Avogacía de Santiago de Compostela establece, no seu artigo 69.s), entre as atribucións da Xunta de Goberno a de “redactar os orzamentos e render contas anuais”.

O artigo 97 recolle que na segunda xunta xeral ordinaria (segunda do ano) se dará lectura e se aprobará, se procede, o orzamento formado pola Xunta de Goberno para o seguinte ano.

O proxecto de orzamento do Ilustre Colexio da Avogacía de Santiago de Compostela para o exercicio 2025, que se presenta e se somete á aprobación da Xunta Xeral Ordinaria, supón a valoración económica das actividades que esta institución ten previsto desenvolver durante o próximo exercicio.

Este orzamento, tanto na súa forma coma no seu contido, representa a vontade de seguir avanzando na modernización do Colexio da Avogacía, nos seus mecanismos de xestión e, sobre todo, en adaptar a súa infraestrutura ás novas tecnoloxías co fin de contribuír á súa dixitalización. Cobra centralidade o gasto destinado á formación continua dos colexiados ou o investimento en recursos telemáticos (bases de datos na web, notificacións electrónicas, sede electrónica e Colaboweb).

O proxecto de orzamento para o exercicio 2025 foi confeccionado consonte as normas de adaptación do Plan xeral de contabilidade e as normas de información orzamentaria de entidades sen ánimo de lucro.

Este orzamento é continuísta con respecto ao dos exercicios anteriores como consecuencia do axuste das partidas de gasto tendo en conta os gastos realizados e ingreso obtidos en anualidades anteriores. O seu obxectivo básico é garantir as prestacións dos servizos que ofrece o Colexio, de acordo coas fontes de financiamento coas que contamos, destacando os traballos e os



investimentos que se realizarán no ámbito da formación continua (fomentando a formación en liña) dos colexiados e das novas tecnoloxías.

2. Censo colexial

A 15.10.2024 o censo total de colexiados é de 1.330, desagregado da seguinte forma:

- Exercentes residentes: 824
- Non exercentes: 490
- Non residentes: 16

3. Cotas colexiais

a) Cotas periódicas trimestrais (art. 110.e) do Estatuto sobre “recursos ordinarios”)

As cotas trimestrais periódicas supoñen un 60 % aproximadamente dos ingresos ordinarios deste colexio.

Un ano máis, dende o ano 2014, estas cotas non sufrirán ningún incremento (nin tan sequera o incremento do IPC). Para o 2025 serán as seguintes (incluídos os censos):

- Exercentes residentes: 123,11 €/trimestre
- Non exercentes: 57,03 €/trimestre
- Exercentes/Non exercentes non residentes: 43,12 €/trimestre

Os novos colexiados (primeira incorporación) e menores de 35 anos, terán unha bonificación do 50 % da cota periódica durante o primeiro ano.

Os colexiados exercentes residentes maiores de 75 anos estarán exentos da cota colexial.

b) Cota de incorporación (art. 110.b) do Estatuto)

É a cota que aboará o colexiado para tramitar a súa incorporación ao Colexio. Tras o estudo/auditoría realizada para fixar os custos da tramitación do dito expediente, a cota fixouse en 300 euros. Para este ano 2025 manterase esta cota.

- Cota de incorporación: 300 € exercentes / 150 € non exercentes

Estarán exentos do pagamento desta cota os solicitantes que figuran colexiados en calquera colexio da avogacía do Estado e que pagasen unha cota de incorporación igual ou superior á fixada neste colexio; se fose menor, terían que aboar a diferenza.

4. Outros dereitos colexiais

a) Dereitos económicos pola emisión de ditames, informes ou periciais en materia de honorarios para taxacións de custas ou procedementos xudiciais de reclamación de honorarios (art. 110.d) do Estatuto)

- De acordo co establecido no artigo 61 do Estatuto colexial, establécese a contía dos dereitos económicos pola emisión de informes para taxacións de custas nun 2 % da minuta resultante, cun mínimo de 60 euros e un máximo de 300 euros, máis o IVE correspondente.
- Pola emisión de ditames como probas periciais (por petición do xulgado), establécese un 20 % da escala tipo sobre o importe da minuta resultante, cun mínimo de 60 euros e un máximo de 1.800 euros, máis o IVE correspondente.

b) Dereitos económicos por expedición de certificados (art. 110.c) do Estatuto):

- 12 € máis IVE por certificado

Os nosos colexiados estarán exentos de pagar esta cantidade se no momento de solicitar os certificados están en situación de alta neste colexio e estes se refiren só aos seus datos sobre colexiación ou quenda de oficio.

5. Póliza de responsabilidade civil

A póliza do seguro de responsabilidade civil, que este colexio como tomador ten contratada nas últimas anualidades coa aseguradora Allianz (corretoría Aon) para asegurar a responsabilidade civil dos nosos colexiados, representa un dos maiores gastos deste colexio. Para este exercicio a cobertura e as primas son as seguintes:

- Cobertura: 450.000 € por sinistro
- Franquía: 500 € os 2 primeiros sinistros; 1500 € o terceiro e seguintes
- Número de colexiados de alta (a 10.10.2024): 661

Subvención do colexio: O ICASC como en exercicios anteriores subvenciona esta póliza coa cantidade de 100.000 euros anuais, que son repartidos de maneira



proporcional entre todos os asegurados (150 €/anuais aprox. por colexiado). Este importe aparece xa descontado nos dous cargos da prima que se realizan cada seis meses.

- Gasto: partida 625.1 -1.2.a – Seguro de responsabilidade civil: 241.756 €
- Ingreso: partida 721.6 – 1.1.d) – cotas seguro responsabilidade civil: 141.756 €

A diferenza entre o gasto e o ingreso (100.000 €) corresponde á subvención do colexio.

Seguro de accidentes: Esta póliza incorpora ademais un seguro de accidentes para os colexiados asegurados, que ten un custo duns 6 euros por ano aproximadamente por cada asegurado.

6. Memoria económica

Estado de ingresos. Total ingresos: 818.382 €

1) Ingresos propios

1.1) Prestación de servizos:

1.1a) Ditames e informes. Esta partida incrementase debido ao aumento do número de informes emitidos como consecuencia do elevado incremento das impugnacións de taxacións de custas nos procedementos bancarios (gastos hipotecarios, nulidade de condicións xerais de contratación de tarxetas e préstamos). Estímase unha media de 250 informes:..... **9.600 €.**

1.1b) Cursos e xornadas. Órzase unha pequena cantidade de **600 euros**, xa que é política deste colexio que os cursos sexan gratuítos para os nosos colexiados/as.

1.1c) Outros ingresos. Esta partida sufrirá unha diminución debido a que a partir do 31 de decembro teremos que retirar as máquinas expendedoras da sala de togas dos xulgados. En consecuencia, nesta partida só se computarán os ingresos polo servizo de fotocopias e venda de produtos *merchandising* (paraugas, mochilas...):..... **2.000 €.**

1.1.d) Seguro de responsabilidade civil. Nesta partida contabilízase o recadado polo cargo do recibo da póliza do seguro de responsabilidade civil, unha vez descontada a subvención do colexio: 241.756 € (prima bruta SRC e accidentes) – 100.000 € (sub. Colexio)..... **141.756 €.**

1.1e) Punto de información catastral. A partir de 2025, en virtude do novo convenio co Catastro, o colexio ofrecerá novos servizos, polo que os ingresos por este concepto veranse incrementados: **1.500 €**

1.2) Cotas colexiais:

Un ano máis as cotas colexiais non sofren ningún incremento (nin o derivado do IPC).

1.2.a) Cota de entrada. Estímanse 12 altas novas: 300 € x 12 = **3.600 €**

1.2.b) Cotas periódicas trimestrais=..... 519.258 €

Exercentes: 123,11 €

Non exercentes: 57,03 €

Non residentes: 43,12 €

(Os novos colexiados -primeira incorporación- e menores de 35 anos, terán unha bonificación do 50 % da cota periódica durante o primeiro ano. Os colexiados exercentes residentes maiores de 75 anos estarán exentos da cota colexial.)

1.3) Ingresos por subvencións:

1.3.a) Infraestrutura da quenda de oficio:..... 80.000 €

A Xunta de Galicia aboará un 8 % do facturado no ano anterior por todos os conceptos (quenda e asistencia). Polo tanto, calculando o 8 % do facturado nos tres primeiros trimestres de 2024 e o cuarto de 2023, resulta unha cantidade aproximada para o 2025 de 80.000 euros.

1.3.b) Subvención da Xunta de Galicia (fomento do galego):..... 19.000 €

Tras a prórroga do convenio un ano máis coa Secretaría Xeral da Lingua, concédese unha subvención de 19.000 euros para sufragar a nómina do asesor lingüista.

1.3.c) Outras subvencións (Xunta de Galicia e Concello):..... 10.500 €

Para o ano 2025 prevese a sinatura e prórroga dos seguintes convenios:

Concello, vía previa: 2.000 €

IGVS: 3.000 €

Formación en violencia de xénero e menores: 2.500 €

Mediación penal: 3.000 €

2) Ingresos financeiros

2.1 Xuros de contas:9.109 €



Remuneración de contas correntes e depósito na Mutualidad (cun rendemento medio do 3 %).

3) Outros ingresos

3.1 Varios

3.1.a) San Raimundo:7.850 €

Nesta partida contabilízase a parte que aboan os colexiados/as que asisten aos actos e cea de San Raimundo.

3.1b) Outros ingresos:.....9.809 €

Nesta partida contabilízanse os ingresos derivados dos convenios e contratos de patrocinio:

Convenio de patrocinio coa editorial VLex: 2.309 €

Convenio de patrocinio con Mutualidad: 4.000 €

Convenio de patrocinio con Aon (SRC): 3.500 €

3.1c) Venda de códigos e outros:..... 2.500 €

Ingresos pola venda de códigos e outros manuais en coedición con distintas editoriais xurídicas.

3.2 Patrocinios e publicidade

3.2a) Publicidade en guía e revista:800 €

Ingresos polos anuncios de distintas empresas na guía colexial e na revista

Estado de gastos. Total gastos: 818.382 €

1) Servizos e actividades:

1.1) Actividade ordinaria

1.1.a) Actos corporativos organizados polo colexio:..... 21.000 €

Nesta partida órzase o gasto de todos aqueles actos corporativos organizados polo colexio (actos de entrega de medallas, xuras de novos letrados, entrega de diplomas a letrados de máis de 25 anos de exercicio, actos festividade San Raimundo).

1.1.b) Actos corporativos non organizados polo colexio: 3.000 €

Nesta partida órzanse os gastos que se ocasionen pola participación ou asistencia deste colexio a actos organizados por outras institucións, gastos de representación pola función atribuída ao decano é á Xunta de Goberno en virtude dos artigos 66, 69 e 7.a) dos estatutos colexiais (matrículas, desprazamentos, aloxamento etc.).

1.2) Seguros

1.2.a) Seguro de responsabilidade civil e accidentes:..... 241.756 €

Nesta partida órzase o gasto/custo da póliza do SRC e do seguro de accidentes.

Póliza SRC: 237.732 €

Póliza do seguro de accidentes: 4.024 €

1.2.b) Outros seguros:..... 1.100 €

Gasto correspondente a outras pólizas contratadas polo colexio.

Póliza de ciber risco: 500 €

Póliza de administradores, directivos e persoal: 600 €

1.2.c) Póliza de decesos / accidentes da quenda de oficio..... 6000€

Gastos correspondentes ás dúas pólizas contratadas coa Mutualidad

Póliza de decesos: pagamento dunha cantidade de 3.000 euros para sufragar os gastos de deceso daqueles colexiados/as falecidos/as menores de 65 anos.

Póliza de accidentes das gardas da quenda: seguro de accidentes para os letrados/as de garda do servizo de asistencia a persoas detidas.

1.2.d) Prima do seguro do local:..... 2.500 €

Gasto correspondente ao seguro do local (inclúe obras de arte) e o seguro da comunidade, que suman un total de 2.500 euros.

1.3) Outros servizos

1.3.a) Congresos e outras actividades:..... 6.000 €

Nesta partida órzase o gasto para asistencia a congresos, xornadas e todas aquelas actividades non organizadas polo colexio, gastos de representación pola función atribuída ao decano é á Xunta de Goberno en virtude dos artigos 66, 69 e 7.a) dos estatutos colexiais (matrículas, desprazamentos, aloxamento etc.). (matrícula, desprazamentos, aloxamento etc.).

1.3.b) Formación, xornadas, cursos e bolsas:18.000 €

Gastos correspondentes á organización do colexio de xornadas, cursos etc. para a formación inicial e continua dos colexiados/as, así como bolsas que se poidan conceder a estes/as para a dita formación e para asistir a xornadas



organizadas por outras institucións. Algunhas destas formacións están subvencionadas pola Xunta de Galicia (violencia de xénero).

1.3.c) Bolsas á EPX, máster en avogacía: 1.500 €

Bolsas que se conceden ao alumnado do Máster en Avogacía para realizar prácticas na sede administrativa da EPX (5 bolsas de 300 € cada unha).

2) Gastos xerais e de administración:

2.1) Servizos de profesionais independentes

2.1.a) Xestoría, gabinete de comunicación, auditoría: 18.000 €

Nesta partida órzanse os gastos correspondentes a: xestoría laboral e contable contratada polo colexio para a contabilidade, nóminas e seguridade social; gabinete de comunicación, que se encarga das redes sociais do colexio, da revista, da guía colexial e das notas de prensa; auditoría, de realización obrigada cando se produce unha modificación dos membros da Xunta de Goberno tras un proceso electoral.

2.1.b) Letrados, monitorios, vía previa, IGVS: 13.000 €

Nesta partida órzase o gasto en profesionais letrados a partir dos convenios de vía previa do Concello, do IGVS e mediación penal. Tamén se inclúen os letrados que se seleccionan para os monitorios que se presentan para reclamar cotas colexiais sen pagar e os dereitos pola emisión de informes de honorarios sobre custas.

2.2) Gastos da sede do colexio

2.2.a) Reparación e conservación: 18.000 €

Nesta partida órzanse os gastos de limpeza e os traballos de conservación dos dous locais do colexio.

Para a limpeza dos locais está contratada unha empresa externa (actualmente Limpezas Salgado).

Para os traballos de mantemento e conservación, o gasto máis destacable é o da iluminación da sede principal ao estar en proceso de substitución dos puntos de luz antigos por novas lámpadas led.

2.2.b) Sistemas de seguridade: 650 €

Inclúe o gasto do sistema de seguridade da sede principal contratada con Movistar Prosegur. Inclúe a alarma e a cámara de gravación das oficinas da entrada do local.

2.2.c) Auga e outros: 250 €

Esta partida inclúe os gastos de consumo de auga, sumidoiro e lixo.

2.2.d) Electricidade: 10.446 €

Nesta partida órzase o gasto en enerxía eléctrica. Trátase dun gasto elevado debido ao número de horas que temos abertas a sede principal e o número elevado de puntos de luz, ademais do consumo eléctrico da caldeira da calefacción durante os meses de inverno.

Para este próximo ano o consumo reducirase coa substitución dos puntos de luz por outros led de aforro enerxético.

2.3) Gastos de oficina

2.3.a) Material de oficina:5.000 €

Nesta partida órzanse todos os gastos de material de oficina, tanto da sede principal como da oficina dos xulgados, onde os máis importantes corresponden con papelería e tinta de máquinas impresoras que non estean en rénting.

2.3.b) Mantemento informático, programa xestión colexial:... 14.000 €

No mes de setembro de 2024 realizouse o cambio do programa de xestión do colexio. Déronse de baixa o SIGA e o Regtel do CGAE e contratouse o programa Colabo da empresa Marka. O custo do novo programa resulta moito máis económico.

2.3.c) Gastos diversos:3.000 €

Nesta partida órzanse gastos diversos en relación co funcionamento da oficina: pagamento á empresa de prevención de riscos laborais; pagamento a Boel polo mantemento de extintores; pagamento dos gastos da comunidade do edificio; pagamento de man de obra de reparacións eléctricas etc.

2.3.d) Material informático:..... 6.000 €

Órzase unha cantidade de 6.000 euros debido a que no exercicio 2025 se terán que cambiar algunhas CPU dos ordenadores das oficinas debido ao cesamento de actualizacións do sistema operativo Windows 10.


2.4) Comunicacóns

2.4.a) Mensaxería/Correos:3.000 €

Nesta partida órzase o gasto en Correos (ordinario, certificado con xustificantes de recepción) e da empresa de mensaxería (cada 15 días remítense á Dirección Xeral de Xustiza remesas coa documentación orixinal dos expedientes de xustiza gratuíta).

Esta partida irá diminuindo o seu gasto paulatinamente coa implantación do sistema de notificación electrónica (Xolido / buroSMS) que reducirá o gasto en notificacións con xustificante de recepción en papel.

2.4.b) Telefonía:..... 5.500 €



Nesta partida órzase todo o gasto relacionado coas comunicacións de teléfono e internet. O gasto desta partida estase a incrementar debido ao ancho de banda que o colexio necesita para as notificacións electrónicas e para realizar videoconferencias e formacións en liña dende a sede colexial.

2.5) Arrendamentos

2.5.a) Renting:2.900 €

Gasto correspondente ao servizo de rénting de dúas máquinas fotocopiadoras e de impresoras

2.6) Biblioteca, bases de datos web

2.6.a) Adquisición de libros:4.000 €

Nesta partida inclúese a adquisición de códigos e outras obras que se coeditan con distintas editoriais xurídicas. Estas obras véndense entre os colexiados/as con importantes descontos das editoriais, polo que se obtén un ingreso correspondente.

2.6.b) Biblioteca en liña:..... 9.700 €

Nesta partida órzase a Biblioteca en Liña de Sepín, aplicación contrada coa editora xurídica Sepín co fin de ofrecer aos colexiados/as este recurso de consulta xurídica de forma totalmente gratuíta, ademais doutras bases de datos xurídicas á disposición dos colexiados/as nos postos informáticos situados na biblioteca.

2.6.c) Bases de datos na web: 30.000 €

Corresponde co orzamento das distintas bases de datos xurídicas que se ofrecen na páxina web do colexio a todos os colexiados/as:

- Tirant lo Blanch: 14.762 €/ano
- vLex: 8.100 €/ano
- Economist & Jurist: 6.100 €/ano
- Vlex e Sepin (postos biblioteca e sala de togas): 1.038 €/ano

2.7) Outros gastos colexiais

Nestas partidas órzanse os gastos de:

- **Guía colexial (1.000 €).** Redúcese a partida ao imprimir menos exemplares en papel e remitirse a versión dixital aos colexiados/as.
- **Carné colexial (1.000 €).** Redúcese a partida ao ser menor o número de carnés que se imprimen en proporción co menor número de novas altas.
- **Adquisición de togas e limpeza (1.000 €).** Custo en limpeza de togas e compra para substituír as máis antigas ou deterioradas.

- **Revista colexial (600 €).** Redúcese considerablemente a partida, xa que a revista Avogacía Compostelá pasou a elaborarse en versión dixital (só se imprimen 50 exemplares en papel).
- **Mantemento da páxina web (1.000 €).** Órzase esta cantidade para posibles cambios no deseño da páxina web debido á implantación de novas aplicacións.

3) Gastos de persoal

3.1.a) Soldos e salarios.....226.617 €

Mantense o mesmo persoal que no exercicio anterior e incrementárase a porcentaxe que estableza o convenio de oficinas e despachos para o 2025.

3.1.b) Seguridade social.....66.900 €

Non sofre importantes modificacións, xa que o número de traballadores é o mesmo que no exercicio anterior.

4) Outros gastos

4.1.a) Contribucións, impostos, IBI:1.791 €

Partida correspondente ao pagamento do IBI do local da sede principal (Eduardo Pondal, 4).

5) Transferencias a consellos, censos.74.172 €

Nestas partidas órzase o pagamento do censo de letrados do CGAE e ao Consello da Avogacía Galega.

- CGAE: 13.533 por trimestre
- CAG: 5.010 por trimestre

Conclusións

Elaborouse un orzamento similar ao dos exercicios anteriores e adecuado á situación financeira desta institución, asegurando sempre o bo funcionamento da corporación e o mantemento de todos os seus servizos.

Por todo isto, e co obxecto de atender as diversas obrigas que son competencia do Colexio, a Xunta de Goberno propón á Xunta Xeral a aprobación deste orzamento de gastos e ingresos para o exercicio 2025.




DETALLE POR CONTAS E SUBCONTAS

		2025
GASTOS		818.382
I. SERVIZOS E ACTIVIDADES		300.856
1.1 ACTIVIDADE ORDINARIA		24.000
601.2 601.3 601.1	1.1.a Actos corporativos organizados polo Colexio	21.000
651.1, 651.2, 654	1.1.b Actos corporativos non organizados polo Colexio	3.000
1.2 OUTRAS ACTIVIDADES - SEGUROS		251.356
625.1	1.2.a Seguro responsabilidade civil / Seguro accidentes	241.756
625.4	1.2.b Outros seguros	1.100
625.5	1.2.c Póliza decesos - Accidentes quenda de oficio	6.000
625	1.2.d Primas de seguros (local e seguro comunidade)	2.500
1.3 OUTROS SERVIZOS		25.500
6292	1.3.a Congresos e outras actividades	6.000
6291, 623.1, 65.7	1.3.b Formación, xornadas, cursos e bolsas	18.000
65	1.3.c Bolsas Escola de Práctica Xurídica	1.500
II. GASTOS XERAIS E DE ADMINISTRACIÓN		148.046
2.1 SERVIZOS DE PROFESIONAIS INDEPENDENTES		31.000
623 629.14	2.1.a Xestoría, as. contable, gab. comunicación, auditoría	18.000
649.1, 623.5, 623.6	2.1.b Letrados: monitorios, concello, IGVS	13.000
2.2 GASTOS SEDE COLEXIAL		29.346
622.1, 622.2	2.2.a Reparacións e conservación (limpeza e outros)	18.000
622.3	2.2.b Sistemas de seguridade	650
6282	2.2.c Auga e outros	250
6281	2.2.d Electricidade	10.446
2.3 GASTOS OFICINA		28.000
602	2.3.a Material de oficina	5.000
6028007, 6028010 .11	2.3.b Mantemento informático (Colabo e Arsys)	14.000
629	2.3.c Gastos diversos	3.000
217	2.3.d Material informático	6.000
2.4 COMUNICACIÓNS		8.500

629.6	2.4.a Mensaxería, correos	3.000
6283.1, 6283.3	2.4.b Telefonía	5.500
	2.5 ARRENDAMENTOS	2.900
621.6	2.5.a Renting	2.900
	2.6 BIBLIOTECA / BASES DE DATOS WEB	43.700
6028006	2.6.a Adquisición libros (códigos e outros)	4.000
6293000	2.6.b Biblioteca on line e bases de datos biblioteca	9.700
629, 6293007	2.6.c Bases de datos - web	30.000
	2.7. OUTROS GASTOS COLEXIAIS	4.600
629.7	2.7.a Guía colexial	1.000
629.8	2.7.b Carné colexial	1.000
629.11	2.7.c Adquisición de togas - limpeza	1.000
629,13	2.7.d Revista colexial	600
629,1	2.7.e Páxina web - mantemento	1.000
	III. PERSOAL	293.517
	3.1. GASTOS DE PERSOAL	
64 ,641	3.1.a Soldos e salarios	226.617
642	3.1.b Seguridade Social	66.900
	IV. OUTROS GASTOS	1.791
	4.1.OUTROS GASTOS	
631	4.1.a Contribucións e impostos (IBI)	1.791
	V. TRANSFERENCIAS CONSELLOS E CENSOS	74.172
	5.1 TRANSFERENCIAS CONSELLOS	
620	5.1. Censo Consejo General de la Abogacía Española	54.132
620.1	5.2. Censo Consello Avogacía Galega	20.040

	2025
INGRESOS	818.382



	I.- INGRESOS PROPIOS	788.314
	1.1PRESTACIÓN DE SERVIZOS	155.956
705.7	1.1.a Ditames e informes	9.600
705,3, 721,5	1.1.b Cursos e xornadas	600
705.4,705.9, 754.0	1.1.c Outros ingresos	2.500
721.6	1.1.d Seguro resp. civil / Seguro accidentes	141.756
705.6	1.1.e P.I. Catastral	1.500
	1.2 COTAS COLEXIAIS	522.858
721.2	1.2.a Cotas de incorporación	3.600
721.1	1.2.b Cotas periódicas	519.258
	1.3 INGRESOS POR SUBVENCÍONS	109.500
74.1, 74.2	1.3.a Infraestrutura quenda de oficio e SOX	80.000
74.3	1.3.b Subvs. Xunta de Galicia (galego)	19.000
741	1.3.c Outras subvencións (concello – vía previa / IGVS)	10.500
	II.- INGRESOS FINANCEIROS	9.109
	2.1. XUROS CONTA CORRENTE	9.109
	III.-OUTROS INGRESOS	20.959
	3.1. VARIOS	20.159
755	3.1.a San Raimundo	7.850
759,778,754.1, 723.0	3.1.b Outros ingresos (Mutua/vLex/Aon)	9.809
705.18	3.1.c Venda de códigos e outros	2.500
	3.2 PATROCINIOS E PUBLICIDADE	800
723.2	3.2.a Publicidade guía colexial e web	800

Tras a exposición, o orzamento 2025 sométese a votación e resulta o seguinte reconto:

— Votos a favor: 27

— Votos en contra: 9

Unha vez realizada a votación, o orzamento 2025 é aprobado por maioría.



O Colexiado don Torcuato Labella Lozano intervéñ para preguntar se se ten previsto modificar a taxa colexial pola emisión de informes colexiais nas taxacións de custas, de acordo coas sentenzas do TS.

O decano contéstalle ao Sr. Labella Lozano que as sentenzas do TS indican que a taxa colexial non se pode incluír na taxación de custas, pero en ningunha desas resolucións se di que o colexio non poida cobrar unha taxa ou dereito económico pola emisión dos ditos ditames.

O Colexiado Sr. Labella Lozano manifesta que non lle parece ben que se continúe mantendo o convenio de patrocinio publicitario coa Mutuality.

O decano contesta e indícalle que se trata dun ingreso máis (4000 euros anuais) que beneficia a todos os Colexiados, ao destinarse esa cantidade a sufragar servizos de interese como poden ser as bases de datos que se ofrecen na páxina web.

3. PROPOSTA DE CREACIÓN DO FONDO-OBRA SOCIAL DO ICA SANTIAGO

O decano dá conta da proposta de creación dun fondo destinado a obra social do colexio, que se nutrirá cos ingresos recadados dos xuros que producen as contas bancarias, da publicidade e dos patrocinios. Proponse a creación dunha comisión para o estudo e a regulación deste fondo.

A seguir, sométese a votación a constitución dunha comisión de estudo para a creación do Fondo-Obra Social do ICA Santiago:

— Votos a favor: 31

— Votos en contra: 5

Tras o resultado da votación, apróbase por maioría constituír unha comisión para o estudo do dito fondo social.

A Colexiada dona María Dolores Traba López intervéñ para pedir que conste na acta que ela vota en contra porque cre que hai outras necesidades máis importantes para os Colexiados, como por exemplo rebaixar as cotas colexiais ou realizar unha maior achega ao seguro de responsabilidade civil.



4. ROGOS E PREGUNTAS

O colexiado don José Antonio Montero Vilar, como novo tesoureiro electo, manifesta que se pon á disposición de todos os colexiados para desenvolver o orzamento, recibir todo tipo de propostas e suxestións. Así mesmo, engade que está moi de acordo co convenio de patrocinio da Mutualidad.

A colexiada dona Iria Novillo Casal propón que se estude a posibilidade de que aos novos colexiados, durante os seus tres primeiros anos de colexiación, lles sexa bonificada a cota colexial.

O decano contéstalle á Sra. Novillo Casal e indícalle que se toma recibo e se estudará a súa proposta. Engade que, non obstante, xa se aplica un desconto do 50 % nas cotas colexiais durante o primeiro ano de colexiación.

O colexiado don Carlos Feijóo Novoa propón que se estude a posibilidade de que aos novos colexiados se lles compute o tempo do máster de avogacía nos tres anos de exercicio que se requiren para acceder á quenda de oficio.

O decano contéstalle ao Sr. Feijóo Novoa que iso xa se facía hai anos, pero coa nova lei de acceso e por esixencia da Orde ministerial de 1997, que regulan o acceso á quenda de oficio, esíxense tres anos de exercicio profesional. Non obstante, tómase recibo e estudárase a proposta.

Non se realizan máis preguntas.

E, ao non haber máis asuntos que tratar, rematamos a sesión en Santiago de Compostela, ás 13.00 h do día 23 de decembro de 2024. Como secretario, dou fe.

O decano

O secretario